

Praktis 3 Sajak Kita Umpama Sehelai Daun

Soalan 1 – 5 berdasarkan bahan di bawah ini.

Baca bahan di bawah ini dengan telitinya dan jawab soalan-soalan yang berikutnya.

Kita Umpama Sehelai Daun

kita umpama sehelai daun
bertunas segar di hujung ranting
lalu melebar dan merimbun
tempat bercanda unggas meriang
di bawah redup bebayang mentari

andai kikir jasa dan bakti
di mana lagi tempat bernaung
dari tusukan bahang memijar
unggas kecil tidak berkudrat

kita umpama sehelai daun
bakal kering sampai waktunya
usahlah angkuh keupayaan diri
sehingga lupa makhluk *dua*fa
ingin bernaung mencari hidup

jadilah sehelai daun
hijau menunas menyegar mata
kering gugur menjadi baja

SMAHADZIR

Dipetik daripada sajak antologi *Kuingin Berterima Kasih*,
Tingkatan 1, Kementerian Pendidikan Malaysia

- 1 Berdasarkan sajak, rangkai kata *ingin bernaung* bermaksud
- A mahu berlindung.
 - B hendak berdiam.
 - C perlu bergerak.
 - D dapat berjaga.

Mentafsir Aros R

- 2 unggas kecil tidak berkudrat

Berdasarkan pernyataan di atas, apakah peribahasa yang sesuai?

- A Kecil macam semut
- B Lambat macam siput
- C Takut macam tikus
- D Hina macam kucing kurap

Mentafsir Aros R

- 3 Antara berikut yang manakah **bukan** persoalan yang terdapat dalam sajak ini?
- A Bersimpati terhadap hidupan lain bagi membolehkan hidupan lain hidup dengan riangnya.
 - B Membantu makhluk yang ditimpa kesusahan tanpa mengharapkan sebarang balasan.

- C Bersifat baik hati terutamanya kepada insan yang kurang upaya agar mereka mempunyai tempat bernaung.
- D Tidak angkuh dan sombong akan kelebihan diri sehingga melupakan insan kerdil yang memerlukan tempat bergantung.

Memahami; Menganalisis Aros S

- 4 Berdasarkan rangkap kedua sajak ini, apakah kepentingan daun kepada unggas?
- A Menjadi tempat unggas bercanda
 - B Menjadi tempat unggas berkumpul
 - C Menjadi tempat unggas berehat pada waktu malam
 - D Menjadi tempat unggas berteduh daripada bahang matahari

Memahami; Menganalisis Aros S

- 5 Antara berikut yang manakah **benar** tentang sajak ini?
- A Unggas kecil tetapi berkudrat.
 - B Daun tidak melebar dan merimbun.
 - C Daun bertunas segar di hujung dahan.
 - D Daun kering yang gugur akan menjadi baja.

Menganalisis; Menyusun Aros T